



BANJA LUKA

Akcija **SIPA-e** po nalogu Tužilaštva i Suda BiH

Uhapšen Siniša Macan, bivši direktor IDDEEA-e

Hapšenju prethodio višesatni pretres stana Siniše Macana, te kuće u mjestu Prijakovci kod Banje Luke. Akciju izveli pripadnici **SIPA-e**

Bivši direktor Agencije za identifikacione dokumente, evidenciju i razmjenu podataka BiH (IDDEEA) Siniša Macan, uhapšen je jučer ujutro u svom stanu u Gundulićevoj 74 u Banjoj Luci.

Nakon višesatnog pretresa stana, pripadnici Agencije za istrage i zaštitu BiH (**SIPA**) izveli su Macana oko 11.30 sati i odvezli u službene prostorije **SIPA-e** na ispitivanje. Osim stana u Gundulićevoj, nezvanično saznajemo da su policijski službenici pretresli i Macanovu kuću u mjestu Prijakovci kod Banje Luke.

Izveden na sporedni izlaz

Iz **SIPA-e** je saopćeno da je akcija hapšenja bivšeg direktora spomenute agencije, a u okviru predmeta „IDDEEA“, sprovedena po nalogu Suda i Tužilaštva BiH. Sumnja se da je Macan počinio krivično djelo zloupotreba položaja ili ovlaštenja i pranje novca, a u **SIPA-i** su naglasili da su pretresena dva stambena objekta sa ciljem pronalazaženja i privremenog oduzimanja dokumentacije i drugih predmeta koji

mogu poslužiti kao dokaz u daljnjem postupku.

- Radi se o aktivnostima u okviru predmeta „IDDEEA“, koji se odnosi na zloupotrebe prilikom nabavke, isporuke i uspostave sistema za djelimičnu personalizaciju kartica, isporuku opreme i nadogradnju postojeće opreme, kao i isporuku kartica, te kompletni sistem za personalizaciju elektronskih ličnih karata i njegovo održavanje - saopćeno je iz **SIPA-e**.

Inspektori i policijski službenici, koje smo jučer zatekli na mjestu događaja, nisu bili raspoloženi za razgovor. Službenim vozilima Macana su izveli na sporedni izlaz iz stambene zgrade i odvezli kroz podzemnu garažu. Njegove komšije nisu bile upoznate s akcijom njegovog hapšenja i pretresa stana sve dok ispred zgrade nisu vidjeli novinarske ekipe.

Šta će pokazati istraga

- Komšije smo u ovoj zgradi od useljenja, prije 12 godina. Ovdje živi sa porodicom i mogu samo reći da se radi o finim i kulturnim ljudima, a čime se on bavio i ima li istine u ovome za šta ga sumnjiče, to će pokazati istraga. Nismo čuli inspektore **SIPA-e**



Trenutak kada istražitelji **SIPA-e** odvođe Macana iz zgrade



SINIŠA MACAN

kada su došli, dok nismo vidjeli gužvu ispred zgrade i od novinara smo saznali šta se dešava. Pretres je trajao više sati i on je sve vrijeme bio prisutan u stanu. Osim toga, on ima i kuću u Prijakovcima, ali najviše vremena su provodili ovdje u stanu - kazao nam je jedan od Macanovih komšija, koji nije htio da mu otkrivamo identitet.

Portparol Tužilaštva BiH Boris Grubešić za Faktor je potvrdio da će oni, nakon saslušanja Macana, staviti prijedlog za određivanje pritvora.

B. SPAŠENIĆ



Zgrada u kojoj živi Siniša Macan

SAOPĆENJE DRŽAVNOG TUŽILAŠTVA

Hapšenju prethodila dugotrajna istraga

Iz državnog Tužilaštva jučer je saopćeno da je Macan uhapšen u okviru istrage o višemilionskim zloupotrebama i nezaklonostima povodom izbora kompanije za izradu ličnih dokumenata građana BiH.

- Macan je osumnjičen za zloupotrebe položaja i nezaklonosti u procesu izbora poduzeća Muehlbauer, za učestvovanje u izradi ličnih dokumenata za bh. građane. Navedenim nezaklonostima, spomenutom poduzeću omogućeno je da dobijanjem navedenog posla i formiranjem i određivanjem cijene dokumenata, stekne nezaklonu imovinsku korist. Vrijednost navedenog ugovora veća je od 100 miliona KM - naveli su u Tužilaštvu BiH.

Oni su podvukli da je hapšenju prethodila dugotrajna i temeljna istraga, kao i da su prikupljeni dokazi o odgovornosti osumnjičenog Macana.

- Tužilaštvo BiH zajedno sa partnerskim agencijama nastavlja intenzivnu borbu protiv svih oblika koruptivnih krivičnih djela, a naročito u slučajevima u kojima se imovinska korist temelji na budžetskim sredstvima za koje su oštećeni građani BiH - istakli su iz Tužilaštva.